



ЎЗБЕКИСТОН — БМТ:

ТИНЧЛИК ВА БАРҚАРОР ТАРАҚҚИЁТ ЙЎЛИДА ҲАМКОРЛИК

Аввал хабар қилинганидек, Бирлашган Миллатлар Ташкилоти Бош котиби
Пан Ги Мун 11 июнь куни расмий ташриф билан мамлакатимизга келди.

Кўксарой қароргоҳида 12 июнь куни Ўзбекистон Республикаси Президенти Ислоҳ Каримов билан Бирлашган Миллатлар Ташкилоти Бош котиби Пан Ги Муннинг учрашуви бўлди.

Бирлашган Миллатлар Ташкилоти 193 мамлакат аъзо бўлган энг йирик халқаро тузилмадир. Мамлакатимиз мустақилликка эришганидан олти ой ўтиб – 1992 йил 2 март куни ушбу нуфузли халқаро ташкилотга аъзо бўлган. Тинчлик ва ҳавфсизликни мустаҳкамлаш, соғлиқни сақлаш, экология, таълим, маданият, туризм каби кўплаб соҳалардаги ўзаро ҳамкорлик изчил ривожланиб бормоқда.

Ушбу ташриф Ўзбекистон билан БМТ ўртасидаги самарали мулоқотни давом эттириш, ўзаро манфаатли ҳамкорликни мустаҳкамлаш масалалари, шунингдек, ядро қуроли тарқалишига қарши курашиш, барқарор ижтимоий-иқтисодий ривожланиш, экология муаммоларини ҳал этиш, сув ресурсларидан оқилона фойдаланиш, Афғонистондаги вазиятни барқарорлаштириш, халқаро терроризм ва наркотрафик хавфига қарши курашиш ҳамда бошқа йўналишлар бўйича фикр алмашиш учун яхши имконият бўлди.

Ўзбекистоннинг тинчликпарвар сиёсати, минтақада ҳавфсизлик ва барқарорликни таъминлашга қаратилган саяё-ҳаракатлари БМТ фаолиятига ҳамроҳандир. Президентимиз ташаббуси билан Марказий Осиё ядро қуролидан холи ҳудудга айлантирилди.

Мамлакатимизда БМТнинг бир қатор тузилмалари – Жаҳон соғлиқни сақлаш ташкилоти, Таълим, фан ва маданият масалалари бўйича ташкилоти, Жаҳон банки, Озиқ-овқат ва қишлоқ хўжалиги ташкилоти, Бола-лар жамғармаси, Аҳолишунослик жамғармаси, Тараққиёт дастури, Гиёҳванд моддалар ва жиноятчиликка қарши курашиш бўйича бошқармаси, ОИВ/ОИТС бўйича бирлашган дастури каби ташкилотларнинг ваколатхоналари фаолият кўрсатаётир. Улар билан ҳамкорликда 440 дан зиёд лойиҳа амалга оширилди. Айни пайтда етмишдан ортиқ лойиҳа ҳаётга татбиқ этилаётир.

Ўзбекистонда Сизни кўп йиллардан буён халқаро ҳавфсизликни таъминлаш, ядросиз дунё ғоясини илгари суриш, барқарор тараққиётнинг инсоният учун долзарб вазифаларини, шунингдек, экологик, ижтимоий ва гуманитар хусусиятга эга кўплаб муҳим глобал муаммоларни ҳал этиш бўйича самарали фаолият юритаётган, жаҳон ҳамжамиятида юксак обрў ва эътирофга сазовор бўлган таникли сиёсий арбоб сифатида яхши билади, – деди Ислоҳ Каримов.

Сўнгги 15 йилда барча давлатлар учун ўзига хос комплекс йўналиш бўлган Мингйиллик ривожланишнинг юксак мақсадларига эришиш, шунингдек, келажаkning янги кун тартиби – Барқарор ривожланиш мақсадлари БМТ фаолиятида муҳим ўрин тутди.

– Сизнинг Марказий Осиё, жумладан, Ўзбекистон Республикасига БМТ раҳбари сифатида бу галги ташрифингиз минтақада юзага келадиган вазият билан бевосита танишиш ва барчамизни ташвишга солаётган долзарб муаммолар юзасидан батафсил фикр алмашиш учун ажойиб имкониятдир, – деди Президентимиз. – Аввало, радикал-лашув, зиддият ва зўравонликнинг авж олаётгани, сиёсий ва иқтисодий қарама-қаршилиқнинг кучайиб бораётгани, жаҳон молиявий инқирозининг ҳамон давом этаётгани жиддий ташвиш туғдирмоқда. Дунёдаги аҳвол тобора чигаллашиб бораётган шариоитда биз БМТни глобал ҳавфсизлик ва барқарорликни сақлаш бўйича ягона универсал халқаро ташкилот, кўплаб мураккаб давлатлараро ва халқаро муаммоларни ҳал этадиган ноёб тузилма, деб биламиз.

– Ўзбекистон Мингйиллик ривожланиш мақсадларига эришиш, қонун устуворлигини таъминлаш, инсон ҳуқуқлари, оналик ва болаликни ҳимоя қилиш, таълим тизимини такомиллаштиришда улкан ютуқларни қўлга киритди, – деди Пан Ги Мун. – Ушбу муваффақиятлар барқарор ва инсон манфаатларига йўналтирилган ижтимоий-иқтисодий ислохотлар самарасидир.

Бош котиб Бирлашган Миллатлар Ташкилоти Ўзбекистон билан ҳамкорликни янада мустаҳкамлашдан манфаатдор эканини таъкидлади.

Музокаралар чоғида томонлар минтақавий ва халқаро аҳамиятга эга кенг қўламли масалаларни муҳокама этиб, Ўзбекистоннинг БМТ ва унинг иқтисослаштирилган институт ҳамда агентликлари билан ҳамкорлигини янада ривожлантиришнинг устувор йўналишларини белгилди.

Ўзбекистон халқи Пан Ги Муннинг 2010 йилдаги ташрифи чоғида Оролбўйи ҳудуди-га боргани ва бугунги куннинг кенг қўламли глобал экологик фожиаларидан бирига жаҳон ҳамжамияти эътиборини яна бир бор қаратганини яхши эслайди.

Маълумки, Оролбўйини тобора кенгайиб бораётган чўл қамраб олмоқда. Сўнгги 50 йилда Орол денгизи майдони 4 баробардан кўпроққа қисқарди, сув ҳажми 10 марта камайди ва минераллашуви ҳам шунча кўпайди. Бу нафақат қуриб бораётган денгиз атрофидаги, балки ундан узокдаги ҳудудларда ҳам ҳаёт сифати, аҳоли саломатлиги ва генофондига салбий таъсир кўрсатаётир. Оролбўйи аҳолисининг мавжуд ижтимоий-иқтисодий муаммоларини БМТ билан биргаликдаги саяё-ҳаракатлар ва яқин ҳамкорликсиз ҳал этиб бўлмайди.

2014 йилда Урганчда «Орол денгизи минтақасидаги экологик офат оқибатларини юмшатиш бўйича ҳамкорликни ривожлантириш» мавзусида халқаро конференция бўлиб ўтди.

Давлатимиз раҳбари Оролни қутқариш халқаро жамғармасига раислик қилаётган

Ўзбекистон томонидан ишлаб чиқилган ва БМТ Бош Ассамблеяси 68-сессиясининг расмий ҳужжати сифатида қабул қилинган «Орол денгизи қуришининг оқибатларини бартараф этиш ва Оролбўйида экотизимлар ҳалокатининг олдини олиш бўйича чора-тадбирлар дастури»ни шахсан кўлаб-қувватлагани учун Пан Ги Мунга миннатдорлик билдирди.

Марказий Осиё минтақасида ҳавфсизлик ва барқарорликни сақлаш ҳамда мустаҳкамлаш масалалари, Афғонистон муаммолари ҳам атрофлича муҳокама этилди.

Пан Ги Мун Ўзбекистоннинг Бирлашган Миллатлар Ташкилоти доирасида кўп томонлама муҳокамаларда фаол иштирок этаётганини, минтақавий ҳамда глобал масалаларни ҳал этишга ҳисса қўшаётганини алоҳида қайд этди. Хусусан, Ўзбекистоннинг Афғонистонда барқарорликни таъминлаш ва ривожланишига қўшаётган ҳиссасини юксак баҳолади.

БМТ Бош котиби Афғонистонга кўшни ва дўст мамлакат сифатида Ўзбекистон ушбу мақсадларга эришиш учун кенг қўламли ёрдам кўрсатаётганини алоҳида эътироф этди. Мамлакатимиз халқаро молия институтлари, чунончи, Осиё тараққиёт банки мақсадларга транс-порт коммуникацияларини қуриш лойиҳаларини амалга оширмоқда, Афғонистон аҳолисини электр энергия билан таъминлаб, инсонпарварлик ёрдами кўрсатмоқда.

Томонлар Афғонистон муаммосини ҳал этишнинг ягона йўли – сиёсий музокаралар олиб бориш, ички қелишуларга эришиш, бунинг учун қулай халқаро муҳит яратиш, молиявий ва инсонпарварлик ёрдами кўрсатиш давом эттириш, бу борада БМТнинг фаол иштирок этишидан иборат эканини таъкидлади.

Ислоҳ Каримов Ўзбекистон БМТ ва унинг институтлари билан изчил ҳамкорлик муҳим аҳамиятга эга эканини қайд этди. Ушбу ташкилот билан самарали ҳамкорликни, жумладан, шу йилнинг охиригача Мингйиллик ривожланиш мақсадларига ва Бош Ассамблеянинг навбатдаги йиғилишида қабул қилиниши режалаштирилаётган Барқарор ривожланиш мақсадларига эришиш бўйича ҳамкорликни давом эттиришга тайёр эканини таъкидлади.

Пан Ги Мун БМТнинг Ўзбекистон билан ҳамкорлиги янада самарали бўлишига ишонч билдирди. Бирлашган Миллатлар Ташкилотининг 2016-2020 йилларда ривожланишга кўмаклашиш бўйича ҳадли дастурининг имзоланиши ўзаро ҳамкорликни кенгайтиришда муҳим аҳамият касб этади.

Бирлашган Миллатлар Ташкилоти Бош котиби Пан Ги Мун шу кун Бухорога ташриф буюрди ва шаҳарнинг тарихий обидалари, замонавий иншоотлари билан танишди.

Анвар САМАДОВ,
ЎЗА мухбири

Ўзбекистон Республикаси Президентининг
ФАРМОНИ

ОЛИЙ ТАЪЛИМ МУАССАСАЛАРИНИНГ РАҲБАР ВА ПЕДАГОГ КАДРЛАРИНИ ҚАЙТА ТАЙЁРЛАШ ВА МАЛАКАСИНИ ОШИРИШ ТИЗИМИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Олий ўқув юртлари профессор-ўқитувчиларининг касб даражаси ва малакасини муттасил ошириб бориш, уларни замонавий талабларга мувофиқ мунтазам қайта тайёрлашнинг такомиллаштирилган тизимини жорий этиш асосида юқори малакали мутахассислар тайёрлаш сифатини тубдан ошириш мақсадида:

1. Қуйидагилар олий таълим муассасаларининг раҳбар ва педагог кадрларини қайта тайёрлаш ва малакасини ошириш тизимини янада такомиллаштиришнинг муҳим йўналишлари деб ҳисоблансин:

олий ўқув юртлари профессор-ўқитувчиларининг педагогик ва касб даражасини мунтазам ошириш асосида уларнинг қонунчилик нормалари, назария, илмий ва амалий тадқиқотлар, технологик тараққиёт ва ўқитилаётган фанлар бўйича инновациялар, шунингдек, ўқув жараёнини ташкил этишнинг замонавий услублари соҳасидаги сўнгги ютуқларни чуқур ўрганиш;

юқори самарали замонавий таълим ва инновация технологиялари, илғор хорижий тажрибани кенг жорий этган ҳолда, олий ўқув юртларининг педагог кадрларини қайта тайёрлаш ва малакасини ошириш бўйича малака талаблари, ўқув режалари, дастур ва услубларини тубдан янгиллаш;

олий ўқув юртлари ўқитувчиларининг глобал Интернет тармоғи, мультимедиа тизимлари ва масофадан ўқитиш усулларидан фойдаланган ҳолда, замонавий инновацион педагогика, ахборот-коммуникация технологияларини эгаллаш ва уларни ўқув жараёнига фаол татбиқ этиши;

олий ўқув юртлари педагог кадрларининг чет тилини амалий ўзлаштириш даражасини ошириш ва ундан ўз касб маҳорати, педагогик ва илмий фаолиятини муттасил ошириб бориш учун кенг фойдаланиши.

2. Ўзбекистон Республикаси Олий ва ўрта махсус таълим вазирлиги, Молия вазирлиги, Вазирлар Маҳкамаси ҳузуридаги Олий аттестация комиссияси, ўз тасарруфида олий таълим муассасалари бўлган бошқа вазирлик ва идораларнинг қайта тайёрлаш йўналишлари бўйича олий таълим муассасалари раҳбар ва педагог кадрларини қайта тайёрлаш ва малакасини оширишни ташкил этиш борасида мамлакатимизнинг ушбу йўналишларда Докторлик диссертацияларини ҳимоя қилиш илмий кенгашилари, зарур услубий, ўқув-лаборатория ва ахборот-коммуникация воситалари билан жиҳозланган замонавий моддий-техник базага эга 15 та етакчи олий ўқув юрти олий таълим муассасалари раҳбар ва педагог кадрларини қайта тайёрлашни ташкил этиш бўйича Таянч олий ўқув юртлари сифатида белгиланган доир тақлифи 1-иловага мувофиқ қабул қилинсин.

Қуйидагилар Таянч олий ўқув юртларининг асосий вазифа ва фаолият йўналишлари этиб белгилансин:

қайта тайёрлашнинг тегишли йўналишлари бўйича доимий фаолият кўрсатадиган олий ўқув юртларининг раҳбар ва педагог кадрларини қайта тайёрлаш ва малакасини ошириш курсларини ташкил этиш;

ушбу курсларда машғулотларни сифат жиҳатидан юқори таълимий ва профессионал даражада ўтказиш учун зарур ўқув-услубий ва моддий-техник базани шакллантириш;

олий ўқув юртининг етакчи ўқитувчиларини ва Докторлик диссертацияларини ҳимоя қилиш бўйича илмий кенгаши аъзоларини, шунингдек, мамлакатимиздаги бошқа олий ўқув юртларининг юқори малакали ўқитувчилари, хорижий мутахассислар, ўқув-услубий ходимлар ва амалиётчи мутахассисларни шартнома асосида қайта тайёрлаш ва малака ошириш курсларида ўқув машғулотларини олиб бориш учун кенг жалб этиш;

қайта тайёрлаш йўналишлари бўйича зарур ахборот-маълумот базасини шакллантириш, замонавий инновацион педагогика, мультимедиа ва ахборот-коммуникация технологияларини ишлаб чиқиш ва қайта тайёрлаш жараёнига татбиқ этиш;

(Давоми 2-бетда)



● Бухорода «XXI аср – интеллектуал авлод асри» илмий-амалий анжуманининг ҳудудий босқичи бўлиб ўтди. Ўзбекистон Республикаси Олий ва ўрта махсус таълим вазирлиги, Ўзбекистон Фанлар академияси, Ўзбекистон Республикаси Вазирлар Маҳкамаси ҳузуридаги

Фан ва технологияларни ривожлантиришни мувофиқлаштириш кўмитаси, «Истеъдод» жамғармаси, «Қамолот» ЁИХ марказий Кенгаши ҳамкорлигида ташкил этилган тадбирда ёш олимлар ва талабалар иштирок этди.

● Самарқандда Ўзбекистон Республикаси Олий Мажлиси Сенатининг Фан, таълим, маданият ва спорт масалалари кўмитаси ҳамда халқ депутатлари Самарқанд вилояти кенгашининг қўшма мажлиси бўлиб ўтди. Бир қатор вазирлик ва идоралар, давлат ва жамоат ташкилотлари масъул ходимлари иштирок этган тадбирда Ўзбекистон Республикасининг «Одамнинг иммунитет танқис-

лиги вируси келтириб чиқарадиган касаллик (ОИВ инфекцияси) тарқалишига қарши курашиш тўғрисида»ги қонунининг Самарқанд вилоятидаги ижросини ўрганиш натижалари муҳокама этилди.

ЖАҲОНДА

● Москва вилоятида россиялик 25 нафар вертолётчи ромб шаклига кирган ҳолда ҳавода 26 дақиқа давомида муаллақ туриб, ушбу йўналишда янги жаҳон рекордини ўрнатди.

● Доминикан мамлакатаи транспорт вазирлигининг маълумотларига қараганда, пойтахт Санто-Домингони Самана

порт шаҳри билан боғловчи трассада рўй берган йирик йўл-транспорт ҳодисаси натижасида ўн уч киши ҳалок бўлган, йигирмадан ортиқ одам тан жароҳатлари олган.

● Грузияда юз берган кучли сув тошқинлари кўпгина ноқулайликларни келтириб чиқарди. Жумладан, Тбилисидаги ҳайвонот боғидан кўплаб йиртқич ҳайвонлар қочиб кетди. Ҳозирда ҳайвонот боғи ходимлари ва қутқарув хизматлари уларни изламоқда. Тбилиси шаҳри ҳокими Д.Нормания Грузия пойтахти аҳолисини қутқарув ишлари тўлалигича яқунланганига қадар шаҳар бўйлаб юрмасликка чақирди.

